

Arkivnr: 2019/15914-2
Saksbehandlar: Sigrid H Aardal

Saksframlegg**Saksgang**

Utval	Saknr.	Møtedato
Fylkesvalstyret for Vestland		18.09.2019

Fylkestingsvalet 2019 - kontroll av gjennomføring og valoppgjør**Samandrag**

Etter vallova skal fylkesvalstyret kontrollere gjennomføringa av fylkestingsvalet i kommunane i fylket, og basert på dei resultat som kjem fram, foreta valoppgjør med fordeling av representantplassar og kandidatkåring. Det er utarbeidd eit sentralt valsystem, EVA, frå Kommunal- og regionaldepartementet som vert nytta for kontroll og valoppgjør. Møteboka skal underskrivast av det samla fylkesvalstyret og leggjast til grunn for det nyvalde fylkestinget si godkjenning av valet

Forslag til vedtak

Fylkesvalstyret har kontrollert gjennomføring av fylkestingsvalet 2019 i kommunane i Vestland og føreteke valoppgjør for fylket slik det går fram av "Fylkestingsvalet 2019 - Møtebok for fylkesvalstyret".

Rune Haugsdal
prosjektleder

Bertil Søfteland
leder fylkessekretariatet

Saksframlegget er godkjent elektronisk og har derfor inga underskrift.

Møtebok for fylkesvalstyret Vestland - fylkesvalstinget 2019

Prosjektlear, 29.08.2019

Fylkesvalstyret skal kontrollera gjennomføringa av fylkestingsvalet i kommunane med grunnlag i det materiellet som det får tilsendt, jfr. Lov om valg til Stortinget, fylkesting og kommunestyre (vallova) av 28.06.2002 nr. 57 § 10-9 (1). Vidare etter same lov § 11-10 (1) skal fylkesvalstyret foreta valoppgjør og kandidatføring.

Kontroll

I følgje vallova § 10-9 skal fylkesvalstyret: «kontrollere gjennomføringen av stortingsval og fylkestingsvalg i kommunene med grunnlag i det materielle det får tilsendt etter § 10-8. Dersom fylkesvalgstyret finner feil ved valgstyrets avgjørelser om å godkjenne eller forkaste stemmegivninger eller stemmesedler, eller feil i valgstyrets opptelling, skal feilene rettes.»

Fylkeskommunen har inngått eit samarbeid med Bergen kommune bl.a. når det gjeld oppteljing av røystesettlar. Det er utarbeidd eit sentralt valsistem, EVA, frå Kommunal- og regionaldepartementet som vert nytta for kontroll og valoppgjør. Røystesettlane vert talde maskinelt (skanna) og overført valsystemet EVA som ivaretek opplysningane og registrer det som er naudsynt for å føreta eit valoppgjør. Systemet registrerer endringane på listene. Det vil seia at det vert registrert kor mange personrøyster den enkelte får og nummerrekkefølga av kandidatane.

Valdirektoratet har bestemt at det ved dette valet i tillegg skal utførast «stikkprøvekontroll». Dette vert gjort ved at ein manuelt kontrollerer eit visst utval av røystesettlane, for å sjekke om skannarane som vert nytta les settlane korrekt. Dette er gjennomført i tillegg til det som vert registrert gjennom det sentrale EVA systemet.

Etter vallova skal kommunane telja røystesettlane 2 gonger, først ei grovteljing (som i større kommunar skjer hos stemmestyra) og ei finteljing (endelig teljing), deretter skal fylkesvalstyret kontrolltelja fylkestingsvalet frå alle kommunane.

Kommunelova § 5-1,e (ny komml.) opnar opp for at det kan opprettast arbeidsutval som kan få tildelt avgjerdsmynde.

Ny komml.(ikraft frå valdagen):

«Utvalget kan gi lederen eller arbeidsutvalget myndighet til å treffe vedtak i saker som ikke har prinsipiell betydning, hvis ikke kommunestyret eller fylkestinget selv har bestemt noe annet. Kommunedelsutvalg kan i tillegg gi lederen av administrasjonen i kommunedelen tilsvarende myndighet.»

Arbeidsutval som nemnd over har fått fullmakt til å førebu kontrollen med gjennomføringa av fylkestingsvalet, og å ta stilling til enkeltsaker og spørsmål som kjem opp i samband med kontrollen.

Valoppgjør

Når kontrollen er ferdig utført og eventuelle rettingar er tekne med, skal fylkesvalstyret foreta valoppgjør med fordeling av representantplassar og føring av kandidatar.

Vallova § 11-10 inneheld reglar om valoppgjør ved fylkestingsval. Fordelinga av representantplassane skjer på grunnlag av St. Laguës modifiserte metode etter vallova § 11-4. Røystetala for vallistene frå alle kommunane i fylket blir summerte, og deretter dividerte med 1,4 – 3 – 5 – 7 – 9 osv. Representantplassane blir heile vegen fordelte til vallistene på grunnlag av dei framkomne kvotientane. Har to lister same kvotient, går representantplassen til den lista som har det største røystetalet. Har dei same røystetal, blir plassen fordelt ved loddtrekning. Har ei liste fått fleire representantplassar enn ho har valføre kandidatar, blir dei overskytande representantplassane fordelte på dei andre listene ut frå reglane framfor.

Føringa av kandidatar skjer på grunnlag av reglane i vallova § 11-10 andre ledd. Veljarane kan gi ein eller fleire kandidatar på lista personrøyster ved å setja eit merke ved namnet til kandidaten, jf. lova § 7-2 andre

ledd. I lova er det slått fast ei grense som tilsvarer minst 8 % av røystetalet for lista, som vilkår for at rettingane frå veljarane skal få innverknad på kandidatåringa. Fylkesvalstyret må difor gjennomføra ein kontroll av endringane som veljarane har gjort på røystesetlane. Dei kandidatane som har fått personrøyster på minst 8 % av dei godkjende røystesetlane, skal kårast først. Dersom fleire kandidatar kjem over sperregrensa, er talet på personrøyster avgjerande. Andre kandidatar blir kåra etter rekkjefølgje på lista.

Kandidatar som ikkje kan veljast, ser ein bort frå. Kvar liste skal så langt det er mogleg, få tildelt eit tal vararepresentantar som tilsvarer representantar valde på lista + 3.

Møtebok for fylkesvalstyret skal underskrivast av eit samla fylkesvalstyre. Til møtet 18.09.19 vil det liggja føre møtebok basert på resultatane av kontrollen som er gjennomført.

Endeleg godkjenning av fylkestingsvalet gjer det nyvalde fylkestinget i det konstituerande møtet, jfr. vallova § 13-4.